

مرند اۆيكو

Mərənd öykü



خسته

يازار: نريمان ناظيم

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

خسته نریمان ناظیم

بو گون یئددینجی گون دور کی بو تختین اوستوندهیم. سحر آخشاما بو توتغون جامدان گۆیه باخیرام. جامدان گۆرون چینارلارین یارپاقلاری گوندن - گونه رنگین آتیر، سارالیر، ایکیندی چاغلاری کولک اسنده یارپاغلار بوداغلان اوزولوشور، گۆیده هرلنیر؛ اوزو آشاغی گندهنده منیم گۆزومدن ایتیرلر. گۆیده آرا- سیرا بولودلار گزیشیر. هرهسی بیر شئی بنزهیر. بیر خوروزا، بیر تولکویه. آغی وار، بوزو وار. گاه سئیرهکلشیر، گاهدان چیتنیر، قارالیر.

ایسراغا گون سحرده بولودلار ییغیشیب گلдіلر. بیر- بیرینه قووشدولار. اثرهسی گون، سحر چاغی گون چیخاندا، یارپاقلار ایشیم- ایشیم ایشیلدا بیردی. تر- تمیز! کئشکه بو جاملاری دا یویوب تمیرلنیدی.

گون اورتادان سونرا، پرستار گلدی یئنده قولوما سیروم باغلادی. «حبلریوی آتيسان» دئی، جاواب آلمادان قیمیشیب گئدی. مندن باشقا بیر نفر ده بو اوتاقتا یاتیب، سحر- آخشاما مورگولهیر. گئجه لر خورولتوسوندان یوخو گۆزومه گئتمیر. دوکتورا دئمیشم حب وئریب، آما او شووغریبی ده آتанда بیلیمیر نییه منی قارا باسیر.

او گئجه یوخو گۆردوم کیشی گلیب دئلهیر. دئیر پولومو وئر. حیرصیم باغیرساغیمی کسیردی. قیشقیرتیمدان پرستارلار تۆکولوب گلیمشیدیلر. منی آیلتدیلار، گۆزومو آشجاق، بیلدیم یوخو ایمیش. ائله بیل دونیانی منه وئردیلر و اکبر آغایا دئیرمه اوغونوب گئدیر. دئیر کیشی ائلهده بیر ایش اولار؟

دوغروداندا بو کیشی نین حاققی منیم بویونومدا چوخدو. کارا گلن آدمادی. او اولماسایدی، هئچ منیم دیونوم آچیلمازدی. البته اوشاقلیق دوستومدو. نچه ایل باهم معلیم ایدیک. سونرا “دانشسرای عالی” ده باهم اولدوق، او ریاضی اوخودو، من ادبیات. بئش- اون ایل بوندان قاباق گلدی تهران. بازنشسته اولاندان سونرا دا بو بیمارستانین حسابداریسیندا ایشلهیر. ماشاللاه کئفی چوخ سازدی. کئشکه ائله منده بیر آیری رشته اوخویادیم. دئین اولمادی آی بابا ادبیاتدا اولدو رشته، (فعولن فعولن فعولن).

الغرض، عۆمرو وئردیک بادا. دؤرد ایلدی بازنشستهیم. بیر پیشیکده قاپیمدا میولداماییب کی گل سن ده بو ایشین قولپوندان یاپیش، بئش قیران پول آل! کیچیک بیر شههردی. هامی منی تانییر. کیمین قاپی سینا گئدیم. بابام، آدم قات- قات ات تۆکور. بو شههرده بیز ده بیر گون اۆزوموزه بیر آدم ایدیک. بو گون ایش باشیندا اولانلارین چوخو منیم شاگردلریم اولوب، هر ایدارهیه

گندىرم گۇروسىن بىرى مىزىن دالىندان قالخىر، سالام آقاي قديرى، بويورون! بويورون مىزىن دالىندا ايلەشىن! گندىر اليندە چاي آلير گتيرير. من اوتاقدان چىخمايىنچا مىزىن دالىنا كئچمير. دئيرىم منىم ھلەدە سىزە نىسبەت شاگىردلىك حىسسىم وار. خىياواندان كئچىدە سالامدى كى ياغىر. سالام آقاي قديرى، سالام اوستاد، سالام جناب قديرى.

بۇركومو گۇتوروب قويماغدان آستارى قىراق آلا گندىب، بو گون صاباحدى كى سۇكولە. من بو بوركو كئغىن ساز واختى آلەمىشىدىم. دۇرە بوركدى. قاباقلار قىشكان- قىشا قوپاردىم. آمما بىر نئچە ايلدى اوشاقلار دئيرلر آغا سن آلا ھەمىشە بۇرك قو. ماشاللا ھەلە ياراشىر سە! بىلىرم نىيە دئيرلر. آخى باشىمىن توكو تۇكولوب، اوتانىرلار. من دە اورەكلرىن سىندىرمىرام. چۇلە چىخاندا بۇرك قوپورام.

يئرىمدن دورا بىلسەيدىم، بو جاملارى بىر سىلىب، تمىزلردىم. چوخ دارىخديرىر منى. گومان كى آلتى آيدى تمىزلەنمەيىب. آدين دا قويوبلار خصوصى بيمارستان. اوشاقلار يامان يادىما دوشوبلر. سەھىلا بىر لحظە گۇزومون قاباغىندان گئتمير. او گون ملاقاتا گلندە، گۇزومون قوورغا كىمى ياش نىردى. حۇكمەن ياپىشىب كى، آغا وئر گۇروم داشىن نە يئكەلىگە ايمىش. دئيرىم قىزىم مائەدى ساخلىيام، آندىق گئندى دا. آداخلىسىدا گلەمىشىدى. آروادا تاپشىردىم داى گلەمەلەر، بابام يوز آغاج يولدى. دئدىم اوشاقلارى آوارا ھەلەمە. مەدە بئش اون گونە مرخص اولوب، گلەجەيم. اكبر آغا دا وار. گونە باشىمىن اوستونەدەير، نىگران قالما!

گۇز- گۇز ھەلەدەيم، ياواشچا پولو وئردىم. گۇزلرى بۇيودو. بىر تەھر اوشاقلارى اكىب سوروشدو؛ پولو ھاردان تاپدىن؟ دئدىم اكبر آغادان آلەمىشام. آپار قىزىن جئھىزىن واجىبلرىن آل. قالەمىشىندا آلا ھەلە كرىمدى. اكبر آغا مە بوردا وام جورلەيىب. گۇزلرى گولودو بئچارانىن. ياخشى اولدو تئز گئندىلر و اكبر آغانىن آروادى گلەسەيدى، ايش بويۇپەجەيدى. اكبر آغا دئيرىر آقدسىن آغزىندا لپە ايسلانماز.

او گوندن كى سەھىلانين ائلچىسىنە ھە جاواب وئردىك. فىكىر خيال منى گۇتوردو. آرواد دا منى قارالادى كى سن سئوينمە يئرينە نىيە قارا تپەدن ياس گتيرمىسن. نە اولوب؟ نەدن ناراحاتسان. اولموي باجى اوغلووا وئرمك خيالەندىدىن. دئدىم آرواد كئچى جان ھايىندا، قصاب پى آختارىر. سن نە دانىشىرسان. ائوى يىخىلەمەيش، من جئھىز فىكىرىندەيم. ھاردان جورلايىب آلاجايق. دئدى آلا ھەلە كرىمدى. او كى خىر- خىرداسىدى ائودن جورلەرم. قالەمىشىندا قىزىل لارىمى ساتىب آلايق. من بوندان بئلە قىزىلى نئىلەيىرم.

او گئجە راحت ياتدىم. صاباح سحر آپاردىم قىزىل لارى ساتدىم. گئندىك بازارا. اوچ- دۇرد تىكە شئى آلدىق، پول قورتاردى. اويانا قاچ، بويانا قاچ. كىمە آغىز آچىم. كىمىن قاپىسىنا گندىم. آخى ھامى گىرىفتاردى. بانكلاردا شاگىردلرىمدن وار ايدى. گئندىم بلكە بىر وام جورلەيلەر، دئدىلر بىر پروانە

كسب تاپ گتير، قالميشى بيزيم عهدهميزه. بابام منيم كى بار- باققالينان گل- گنديم اولماز، بو آدمى هاردان تاپيم. قديم زامان دئييل كى، ايندى بير پونزا قاتيغى نيسييه وئرميرلر. هاندا قالا اداما ضامين اولالار. اصلن منيم بو تاجير جاماعاتدان او قدهرده خوشوم گلمز. قورساغسيز آدمديلار. ناچارليقدان، جانيمى ييغديم ديشيمه، بيرىنين يانينا گتتديم، گوردوم كوهنه پالان سؤكور؛ ايت ايلينده اوغلوما گلديم ايكى نومره ايستهديم وئرمه دين. نه جور اولدو، نه تههر اولدو....، دوردوم آياغا، دوشدوم يولا. آلايه هئچ موسلمانى نامرده مؤحتاج ائله مەسین. گونلر گليب سوووشوردو. اوغلان ائوى ده فيشار گتيريردى كى گليريك گلينيميزى آپاراق. آنجاق لاپ آسيلي قالميشديق. سونرا آلايه طرفى وپردى اكبر آغا گلدی ننه سینه باش چكمه يه، اونون الى ايله بيزيم دويونوموز آچيلدى.

هردن منى فيكير خيال گؤتورور. دئييرم، اولموييا بو پول دا گؤرمويه. او گون شوخلوغجا اكبر آغايا دئييرهم نئجه اولاردى آدامين اوچ بويره يى اولايدى. دئيير آى كيشى، ناشوكورلوک ائله مه، آلايه بيلن ياخشى دى.

بو گون يئنه ده هاوا توتولوب، داريخما باسير منى. كئشگه آياغا دورا بيله ايديم. بو جاملارى بير سيليب تميزله يئيديم.

سون

ياز- ۷۴